

## Kwa baka zliya tsasliti Zharj

**Kw**əma dza ghwəmməə gha sənataa dzəkən zliya na  
**Ma ntsaa tsasliti zliya nay, gəzə** slən tsa ci na mbəw,  
 war a na nə na: «Ndə 'wa kwal kaa mbəzliy nəw Yesəw  
 na» kə. Ma kə mbəzli nashi ki na, Zharj ntsa ta səda  
 Yesəw na. Sa nzana nəwər tsa mbə zliya nay, aa dī  
 yəməva lə sa mbə kwa taŋa zliya Zharj va. Dzəkən  
 mbəzli ka slasla dzərvə gəzə na lə dzəkən dī ghən kwa  
 kwal Hyala. Kaa nahwəti mali dikə na ghəshi lə ndərazhi  
 nzə tsasliti Zharj zliya na. Ma kə nihwəti mbəzli na,  
 ta vəli kaa nihwəti mbəzli Yesəw tsasliti na, kaa mali lə  
 ndərazhi nzə katarj naw, kə ghəshi.

### Səkwəpə

<sup>1</sup> Yən yən ndə 'wa kwal kaa mbəzliy nəw Yesəw  
 \*Kəristəw tsasli na zliya na kaa ngəŋa gha mali təravə  
 Hyala, lə kaa ndərazhi gha va dfe. Kwataka yən kwətira  
 dīŋwəy naw, mbə dīŋwəy na ya tsamaba ntsaa sənata  
 kwəma Hyala katarj na gwa'a. <sup>2</sup> Sa nza ghwəy lə kwəma  
 katarj na mbə nefer ghwəy, va tsəgha dīŋwəy ya, lə  
 sa nzana, mbə nefer ghwəmmə ghənzə taa nza ya pa'  
 hwəmba.

<sup>3</sup> Nza Didi Hyala ghəshi lə Zəghwə ci Yesəw Kəristəw  
 məntəmmə wəzə hwər tsa shi, ka məntəmmə  
 zhəhwər, ka fambəmmə zərkə mbə nefer ghwəmmə.  
 Tsəgha dza shi vaa nza tə ghwəmmə, ghwəmmə shiy  
 nəw kwəma katarj na va, ka dīva kwa jipə ghwəmmə.

**Kw**əma katarj na, lə kwəma dī ghən

<sup>4</sup> Ma yənəy, dalala vəshiree, sa favee njasa nəw nihwəti ndərazhi gha kwəma kataŋ na. Njasa gəzəkəmmə Didi Hyala va mənii, tsəgha məni ghəshi. <sup>5</sup> A kwajinee na, ə pə ghwəmməə dī ghən tsa ghwəmmə kwa jipə ghwəmmə! Ma kwəma gəzarjwəy ya nay, nahwəti kwəma gəzəkə məndi 'war'war na ta mənii ghakee tsasliŋwəy tiw. Kwəmaa niy favə ghwəy va kwataŋata na. <sup>6</sup> Mba'a pə ghwəmməə dī ghən tsa ghwəmmə, ka dī Hyalay, ghalaba na, mbə dī fəti nza ghwəmmə ta kwəma gəzəkəmmə Hyala va ta məni. Ma kwəma gha Hyalaa gəzarjwəy kwataŋata ta məni ghwəyəy: «Dim ghən tsa ghwəy» kə. Ava kwəma dza ghwəy nəw mbə nzəy tsa ghwəy.

<sup>7</sup> Darj tsahwəshi ka dzərvəə dzəti hidfi. Mbəzli vay, ka dī zləba ghəshi a Yesəw \*Kəristəw səəkəy tikə tə hidfi, ka zhəghəti ghən tsa ci ka ndə ngəri, kə ghəshiw. Ma ntsaa dī ma vaa zləba tsəgha kiy, ghəci na ndə jaka tsa Kəristəw, ghəci na ndə slaslapə dzərvə ki. <sup>8</sup> Va tsəgha na kiy, mənim məhərli tərəŋw. Vantaa sləni ghərati ghəy va mbə ghwəy nza gəmta, war mba'a ghwəy kwəməvə zhəmə ghwəy gwanata dī na.

<sup>9</sup> Sənay tə ghwəy, ntsaa fə ma ghən ta nəw kwəma ya hwəmba njasa banavəmmə Yesəw Kəristəw, war dzar kwa tsa ci kwal kwətiy ghəciy dī məni kwəmay, jakəy tsava ndə ghəshi lə Hyala ya jəwəw. Ma ntsaa nəw kwəma ya hwəmba njasa banavəmmə Yesəwəy, a tsava ndə jakəy lə Didi Hyala mba'a lə Zəghwə nzə. <sup>10</sup> Va tsəgha nə ya kiy, war mba'a kə ndə səəkəy, ka bəniŋwəy shiy, dzəghwa kala dzaghəvashi shi va lə ni banavəmmə Yesəw Kəristəwəy, əntaa ghwəy taa zləba

gəla tsava ndə ghəciy dzakə ghi tsa ghwəy ma! Əntaa ghwəy səkwə ya səkwə nzə ma! <sup>11</sup> Sa nzana, ma ntsaa dzaa səkwətiy, jakə dza ghəshiy nza tə kwəma ci va jikir na lə tsava ndə.

Səkwəva lə kwa kərnı gəzə kwəma

<sup>12</sup> Sənzənva kiy, mbəzliyay, dfaŋ na nihwəti shi dfee gəzaŋwəy. Kala dfee tsasliŋwəy shi va tsasli tsasliy dzəti zliya. Ma dfi yay, mba'ee tsəhəra vəgha ghwəy də'wə ghən tsee, nza ghwəmmə sləkahwə kwəma kwa mətsə kwa mətsə, ta mbə vəshi ghwəmməə kərkəta.

<sup>13</sup> Mbə səkwəŋa na ndərazhi zhaməŋa. Zhaməŋa təravə Hyala va, njasa təravəŋa na va kwərakwə. Ava tifa kərayee, nza ghwəy nza ki.

Zliya Yəwən kwəma wəzə naa dzəkən Yesəw Kəristəw  
Bana: Zliya Yəwən kwəma wəzə naa dzəkən Yesəw Kəristəw New  
Testament

Le Nouveau Testament en langue Bana du Cameroun

copyright © 2005 Wycliffe Bible Translators, Inc.

Language: Bana

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 14 Jun 2022 from source files dated 1 Jun  
2022

ae014872-94cd-54bc-869e-601bde2245b3